

आकाशवाणी

- लोकसभा चुनावें दे 5में चरण च 60 प्रतिशत शा बद्द मतदान दर्ज कीता गेआ।
- लोकसभा चुनावें दे बाकी द'ऊं चरणें लेई चुनावें प्रचार जोरें-शोरें कन्नै जारी, प्रधानमंत्री नरेंद्र मोदी होर अज्ज उत्तर प्रदेश ते बिहार च 4 जनसभाएं गी संबोधित करडन।
- भारती मौसम विभाग नै उत्तर पच्छमी भारत' उत्तरी मध्य प्रदेश ते गुजरात च बड़ी मती गर्मी दी शँका जतांदे होई अगले त्र'ऊं दिनें लेई रेड अलर्ट जारी करी दिता ऐ।
- श्रीलंका दे विदेश मंत्री अली साबरी होरें आखेआ जे भारत आर्थिक रूपै नै मजबूत होने दी बतै पर टुरा'रदा ऐ।
- ते आई.पी.एल क्रिकेट च पैहला क्वालीफायर मुकाबला अज्ज कोलकाता नाइटराइड्स ते सनराइजर्स हैदराबाद बश्कार अहमदाबाद दे नरेंद्र मोदी स्टेडियम च खेड्डेया जाग।

<><><><><><>

Voting- 5th Phase

लोकसभा चुनावें दे 5में मरहले लेई मतदान शांति ते रमानदारी कन्नै सम्पन्न होई गेआ ते रातीं 11:30 बजे तगर 60 प्रतिशत शा बद्द मतदान दर्ज कीता गेआ। इस चरण च 6 राज्यें ते 2 केंद्र शासित प्रदेशों दी कुल 49 सीटें लेई मतदान होआ। एहदे च उत्तर प्रदेश दी 14 सीटां, महाराष्ट्र दी 13, पच्छिम बंगाल दी 7, ओडिशा ते बिहार दी 5-5, झारखंड दी 3 ते जम्मू-कश्मीर ते लद्दाख दी 1-1 सीट शामिल हियां। जम्मू-कश्मीर दे बारामुला पार्लियामानी हल्के च कल मतदान शांति ते रमानदारी कन्नै सम्पन्न होई गेआ जेदे च 57 फीसद थमां बद्द मतदाताएं अपने वोट पाने दे हक्कै दा इस्तेमाल कीता। ध्यानजोग आली गल्ल ऐ जे एह आंकड़ा पिछले 35एं बरें चा सब्बनें शा बद्द ऐ।

उआं बिहार च 55 प्रतिशत मतदान दर्ज कीता गेआ जिसले के झारखंड च 63 फीसद शा बद्द, लद्दाख च तकरीबन 70 प्रतिशत, महाराष्ट्र च 54 प्रतिशत मतदान दर्ज कीता गेआ। इयां गै ओडिशा च 69 प्रतिशत लोकें अपने वोट पाने दे हक्के दा इस्तेमाल कीता। इस मरहले दे सम्पन्न होने करी आम चुनां हुन 25एं राज्यें ते केंद्र शासित प्रदेशें दिएं 428 पार्लियामानी हल्के च पूरा होई गेदा ऐ। उआं अरूणाचल प्रदेश, सिक्किम ते आंध्र प्रदेश दे विधानसभा चुनां बी सम्पन्न होई गे न ते ओडिशा दिएं 63 विधानसभा सीटें लेई बी मतदान होई गेआ ऐ।

<><><><><><>

LG-Sinha Congratulation

जम्मू कश्मीर दे उपराज्यपाल मनोज सिन्हा होरें बी बारामुला पार्लियामानी हल्के च बड़ा मता मतदान दर्ज कीते जाने पर जम्मू-कश्मीर दे लोकें ते सब्बनें धड़ें गी मुबारकबाद दिती ऐ। इक सोशल मीडिया पोस्ट च उपराज्यपाल होरें आखेआ जे बारामुला पार्लियामानी हल्के च 58 प्रतिशत शा मता मतदान दर्ज होना बड़ी खरी ते लोकें अंदर विश्वास बदाने आली गल्ल ऐ। उनें लोकें गी इन्नी मती गिनतरी च वोट पाने लेई मुबारकबाद दिती ते मेद जाहिर कीती जे अगले चरणें च बी इयै नेया उत्साह दिक्खने गी लब्बोग।

<><><><><><>

EC-Delhi Home Voting

बुजुर्ग मतदाताएं ते दिव्यांगजनें लेई जारी होम वोटिंग अभियान दे चौथे दिन दिल्ली च कुल 4 जहार 774 मतदाताएं घरें थमां मतदान कीता। 2024 दे लोकसभा चुनांs च घरें च मतदान दी सुविधा लैने लेई पूरे दिल्ली च कुल 5 जहार 406 मतदाताएं फार्म 12-डी भरेया ऐ।

चुनां आयोग नै पिछले हफ्ते नमीं दिल्ली च 85एं बरें शा मती बरेसू दे वरिष्ठ नागरिकें ते दिव्यांगजनें लेई एह सुविधा शुरू कीती ही।

<><><><><><>

Campaigning

लोकसभा चुनांs दे बकाया चरणें लेई चुनांs प्रचार जोरें-शोरें कन्नै जारी ऐ। 6में गेढ़ दे चुनांs लेई प्रचार दे छड़े 2 दिन बाकी न ते सब्बनै राजनीतिक पार्टियां प्रचार च कोई कसर बाकी नेई छोड़ा रदियां न।

<><><><><><>

PM-Modi Varanasi

भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होर अज्ज अपने पार्लियामानी हल्के वाराणसी च 25000 शा बद्द महिलाएं कन्नै गल्लबात करंगन। प्रधानमंत्री होर सम्पूर्णानंद संस्कृति विश्वविद्यालय च मैत्रीशक्ति सम्मेलन दौरान महिला शिक्षकें, डॉक्टरें, गृहणियें, बपारियें, वकीलें ते खडारियें कन्नै गल्लबात करडन। इस इक घेंटे दे सम्मेलन दौरान महिलां बक्ख-बक्ख गतिविधियें च हिस्सा लैडन। प्रधानमंत्री अज्ज वाराणसी च गै रूकंगन ते कल बुधवारें उत्तर प्रदेश च दऊं होर रैलियें गी संबोधित करडन। ध्यानजोग ऐ जे मोदी होर त्री बारी वाराणसी थ्मां चुनांs लड़ा रदे न ते उंदे खलाफ चुनांs मैदान च कांग्रेस ते समाजवादी पार्टी दे गठबंधन दे मेदवार अजय राय खड़ोते दे न। वाराणसी च पैहली जून गी वोट पाए जाने न।

<><><><><><>

Bihar-PM

प्रधानमंत्री होर अज्ज बिहार च द'ऊं जनसभाएं गी बी संबोधित करडन। पैहले ओह मोतीहारी च बीजेपी मेदवार दे समर्थन च रैली करडन, दुई रैली दपैहरी मगरा महाराज गंज लोकसभा हल्के च गोरियाकोठी च होग। प्रधानमंत्री होर कल शामी द'ऊं दिनें दे बिहार दौरें पर पटना पुज्जे हे। उनें पटना बीजेपी मुख्यालय च कार्जकर्ताएं कन्नें इक बैठक लाइए लोकसभा चुनाएं दे बाकी मरहलें दी रणनीति पर चर्चा कीती।

<><><><><><>

Arvind Kejriwal

दुई बक्खी आम आदमी पार्टी दे प्रमुख ते दिल्ली दे मुखमंत्री अरविंद केजरीवाल होरें कल पड़परगंज, शहादरा ते गांधी नगर इलाके च लोकें कन्नें गल्लबात कीती जिसले के दिल्ली च कांग्रेस अध्यक्ष देवेन्द्र यादव होरें कल संझा भवाना ग्रां दे लोकें गी संबोधित कीता। इनें पार्लियामानी हल्के लेई मतदान 6में चरण च 25 मई गी होग जेदे लेई चुनां प्रचार वीरवारें मुक्की जाग।

<><><><><><>

Weather

भारतीय मौसम विभाग नै अगले चऊं दिनें लेई उत्तर पच्छिम इलाके च उत्तरी मध्य प्रदेश ते गुजरात च रेड अलर्ट दी चेतावनी जारी कीती ऐ। मौसम विभाग दा आखना ऐ जे इस म्हीने दी 24 तरीक तगर पंजाब, हरियाणा, चंडीगढ़, दिल्ली, राजस्थान, उत्तर प्रदेश ते मध्य प्रदेश दे पच्छमी इलाके च बड़ी मती गर्मी दे आसार न। मौसम मैहकमे नै एह बी आखेआ ऐजे दक्खन पच्छमी मानसून मालदीव ते किश इलाके, कामोरिन इलाके, बंगाल की खाड़ी दा दक्खनी इलाका, निकोबार द्वीप ते दक्खनी अंडमान च दाखल होई गोआ ऐ।

इस करी दक्खनी भारत दे किश हिस्सें च अगले 5एं दिनें तगर भारी बरखा बरने दी संभवना गी दिखदे होई आरनेंज अलर्ट जारी कीता ऐ। इये नेई स्थिति उप हिमालायाई पच्छम बंगाल, सिक्किम, असम ते मेघालय च बी अगले दऊं ध्याडें तगर बनी रौहने दी संभावना ऐ।

<><><><><><>

Srilanka-India

श्रीलंका दे विदेश मंत्री अली साबरी होरें आखेआ ऐ जे भारत दा आर्थिक रूपै नै मजबूत होना श्रीलंका सने पूरे क्षेत्र लेई चंगी गल्ल ऐ। इक खबर एजेसी कन्ने गल्लबात करदे होई उनें आखेआ जे श्रीलंका अपने बंदरगाहें, नमीं उर्जा ते होरनें बुनियादी ढांचे दे क्षेत्र च होर मता निवेश चाहंदा ऐ जेड़ा भारत ते श्रीलंका दौनें मुखे दे हितै च ऐ। श्री साबरी होरें आखेआ जे दौनें मुखे बशकार तगड़े सरबंध न ते बहुआयामी सांझेदारी ऐ। साबरी होरें आखेआ जे रामायण पथ कन्ने दौनें मुखे बशकार सैलसफा ते राबता होर मजबूत होग।

<><><><><><>

Anti-Terrorism Day

अज्ज आतंकवाद रोधी दिवस मनाया जा रदा ऐ। एह दिन साबका प्रधानमंत्री राजीव गांधी हुंदी पुण्यतीथि दे मौके पर मनाया जंदा ऐ। 21 मई 1991 गी अज्जै दे दिन LTTE दे आत्मघाती मानव बम नै उंदी हत्या करी दिती ही। इस दिन दा मकसद आतंकवाद समाज च हिंसा दे माड़े असर बारै लोके च जागरूकता पैदा करना ऐ।

<><><><><><>

Cultural Diversity Day

अज्ज विश्व सांस्कृतिक विविधता दिवस ऐ। अज्ज यानि 21 मई गी एह् ध्याड़ा दुनिया भरै च बक्ख-बक्खव मुल्खें दी सांस्कृतिक बन-सबन्नता ते एहदे महत्व गी उजागर करने लेई मनाया जंदा ऐ। भारत च केई कार्यक्रम आयोजित कीते जा करदे न जिंदे राएं हर इक राज्य दी सांस्कृतिक बन-सबन्नता गी बड्डे पैमाने पर प्रदर्शित करने दे जत्न कीते जंदे न।

<><><><><><>

National-Mourning

भारत नै इरान दे राष्ट्रपति डॉ. सैयद इब्राहिम रईसी ते विदेश मंत्री हुसैन आमिर अब्दुल्लहयान हुंदी हेलीकाप्टर हादसे च मौत पर अज्ज इक दिनें दा राष्ट्रीय शोक घोषित कीते दा ऐ। अज्ज मुल्ख भरै दिएं उनें सब्बनें ईमारतें पर राष्ट्रीय झंडा अद्दा चढे दा रौहग जित्थे एह् रोज फहराया जंदा ऐ। एहदे अलावा अज्ज सरकारी तौरा पर कोई बी मनोरंजक कार्यक्रम आयोजित नेई कीता जाग। प्रधानमंत्री नरेंद्र मोदी ते विदेश मंत्री डॉ. एस जयशंकर हुंदे अलावा होरनें केई नेताएं इरान दे राष्ट्रपति हुंदी मौत पर गैहरा दुख प्रगट कीता ऐ। जियां जे पैहले बी खबर दिती जाई चुकी दी ऐ जे इरान दे राष्ट्रपति इब्राहिम रईस हुंदी हेलीकाप्टर हादसे च मौत होई गई ही। इरान दे सरकारी टेलीविजन आस्सेया दस्सेया गेआ हा।

<><><><><><>

Archery

तीरंदाजी विश्व कप 2024 दा दुआ चरण अज्जै थमां दक्खन कोरिया दे थेचिओन च रम्भ होआ रदा ऐ। भारत नै इस प्रतियोगिता च उयै 16 सदस्ये दी टीम भेजी ऐ जिनें पिच्छले म्हीने चीन दे शंघाई च पैहले चरण च हिस्सा लैता हा। भारतीय दल पैहले चरण च 5 सुन्ने दे तगमें, दऊं चांदी दे ते 1 कैह दे तगमें सने कुल 8 तगमें कन्ने चैंपियन टीम दे रूप च उभरेया। 2024 तीरंदाजी विश्व कप दा दुआ चरण ऐतवारें गी मुक्की जाग।

इस प्रतिष्ठित टूर्नामेंट का तृतीय चरण तुर्किये के अंताल्या में आयोजित किया जायेगा जिसमें के अखिरला चरण मैक्सिको के लक्स काला में आयोजित किया जायेगा।

<><><><><><>

IPL-Cricket

आई.पी.एल क्रिकेट में पहले क्वालीफायर मुकाबले में अजय सनराइजर्स हैदराबाद का मुकाबला कोलकाता नाइटराइडर्स के खिलाफ होगा। यह मैच अहमदाबाद के नरेंद्र मोदी स्टेडियम में सांझा 7:30 बजे शुरू होगा जिसमें के दुआ क्वालीफायर मुकाबला इसी मैदान में कल राजस्थान रायल्स के खिलाफ चैलेंजर्स बेंगलुरु के खिलाफ खेला जाएगा। आई.पी.एल क्रिकेट का फाइनल मुकाबला एतवार को खेला जाएगा।

<><><><><><>